

დებულება

სტუდენტთა სამეცნიერო წრის შესახებ

1. ზოგადი დებულებები

1. წინამდებარე დებულება განსაზღვრავს სსიპ - ივანე ჯავახიშვილის სახელობის თბილისის სახელმწიფო უნივერსიტეტში (შემდგომში „უნივერსიტეტი“) სტუდენტთა სამეცნიერო წრის შინაარსს და საქმიანობის წესს.

2. სტუდენტთა სამეცნიერო წრეში მოიაზრება უნივერსიტეტის სამივე საფეხურის (ბაკალავრიატის/დიპლომირებული მედიკოსის/სტომატოლოგის საგანმანათლებლო პროგრამის, მაგისტრატურისა და დოქტორანტურის) სტუდენტების გაერთიანება, მათ მიერ სამეცნიერო-კვლევითი სამუშაოს შესრულების ორგანიზებისათვის.

2. სტუდენტთა სამეცნიერო წრის მიზნები

1. სტუდენტთა სამეცნიერო წრის მიზნებია:

ა) სტუდენტების სამეცნიერო-კვლევითი საქმიანობისათვის სათანადო გარემოს შექმნა;

ბ) სტუდენტების სამეცნიერო-კვლევითი საქმიანობის მხარდაჭერა და განვითარება.

გ) სტუდენტთათვის სამეცნიერო-კვლევითი უნარ-ჩვევების ჩამოყალიბებისა და განვითარებისთვის ხელშეწყობა.

3. სტუდენტთა სამეცნიერო წრის ფუნქციონირება

1. სტუდენტთა სამეცნიერო წრეები იქმნება ფაკულტეტის საბჭოს მიერ და ფუნქციონირებს უნივერსიტეტის ფაკულტეტებზე.

გათვალისწინებით - არსებობის შემთხვევაში უპირველეს ყოვლისა არჩეული შეიძლება იყოს წრის დოქტორანტი წევრი, ასეთი წევრის არსებობის პირობებში - მაგისტრანტი წევრი, ხოლო მაგისტრანტი წევრის არყოფნის შემთხვევაში - წრის ბაკალავრი წევრი. სამეცნიერო წრის ხელმძღვანელი არ შეიძლება იყოს წრის ხელმძღვანელის მოადგილის სამეცნიერო ხელმძღვანელი.

4. სტუდენტთა ინტერდისციპლინური სამეცნიერო წრის ხელმძღვანელს შეარჩევს და ამტკიცებს იმ ფაკულტეტის საბჭო, რომელზედაც იქმნება მოცემული სამეცნიერო წრე.

5. სტუდენტთა სამეცნიერო წრის ხელმძღვანელი ანგარიშვალდებულია ფაკულტეტის საბჭოს წინაშე და ყოველი სასწავლო წლის დასასრულს მას წარუდგენს წრის სხდომაზე დამტკიცებულ ანგარიშს წლის განმავლობაში გაწეული მუშაობის შესახებ. თუ ფაკულტეტის საბჭო მიიჩნევს, რომ სტუდენტთა სამეცნიერო წრის ხელმძღვანელის მიერ გაწეული მუშაობა არაადამაკმაყოფილებელია, ის დამსწრეთა ხმების უბრალო უმრავლესობით თავისუფლდება სტუდენტთა სამეცნიერო წრის ხელმძღვანელობიდან.